



Kitaani sinerissatsinni qassutikut qallorneqarnissaannut suliniutissatut pilersaarummik UKA2019-mut Naalakkersuisut peqquneqarnissaannik Inatsisartut aalangiiffigisassaattut siunnersuut.

(Inatsisartunut ilaasortaq Aqqaluaq B. Egede, Inuit Ataqtigiit)

Aqqaluaq B. Egede, Inuit Ataqtigiit siunnersuuteqarputit, kitaani sinerissatsinni qassutikut qallorneqarnissaannut suliniutissatut pilersaarummik Ukiakkut 2019-imi Inatsisartut ataatsimiinnissaanut Naalakkersuisut peqquneqarnissaannik Inatsisartut aalangiiffigisassaattut siunnersuummik.

Partii Naleqqammit Aqqaluaq B. Egede, Inuit Ataqtigiit qujaffigerusuppatsigit taama pingaarutiekartigisumik siunnersuuteqarlutit Inatsisartut aalangiiffigisassaattut siunnersuuteqarninnut.

Partii Naleqqami nalilersuinitanni isumaqarpugut pingaaruteqartorujussuarmik aammalu pisariaqartorujussuarmik siunnersuuteqartutit ukiunilu amerlavallaarujussuarmik qanoq iliuuseqarfigineqarnaveersaarsimasumik, taamaammalu maannakkut qanoq iliuuseqarasuarnissatsinnut qassutikut qallorneqarnissaannut suliniutissatut pilersaaruserluakkamik siunnessamullu ataavartumik aqqiissutissamik siunnerfeqartumik siunnersuuteqarnerit akerlilerneqarsinnaanngilluinaqqissaartoq Partii Naleqqamiit isumaqarpugut.

Qassutaarsertarnek amerlasuutigit piaarinaatsoornikkut pisarpoq aammalu akisuukasiummata nassaarinierneqaqqittaraluarput qassutaarsiutit.

Qassutaarsiutillu immap naqqaniiginnartarneri annertuumik aalisakkanut assagiarsunnut allanullu innarliisarput nunamut qaqqillugit iluaqutissaraluit napittoortitsertarmata immap naqqaniiginnarneranni. Taamaammatt imaaanngaannigitsuuvoq taamatut mingutitsiinnaratik pisaqartuarmata immap naqqaniitillutik.

Qaleralinniarnek ingerlalluarpoq avannaani, nunatta naatsorsueqqissaartarfiata kisitsisaatai misissuataarutigit qaammatini siullerni pingasuni tunitsivinnut qaleriellit tunineqarsimapput 6.740 tons-it siornamut naleqqiullugu 13 procentimik siuariaateqarlutik, siorna 2018-imi april-ip aallaqqaataani 5.990 ton-sit tunineqarsimallutik.

Qassusersorneq akerlerineqartaraluartoq amerlasuunit, kisiannili aamma nalilersugassaaavoq taamatoq qassutunik atuineq aamma aalisartut aningaasarsiornerannut minnerunngitsumillu pisarineqartartut annertuneruneranut ilaatigut peqqutaqaataammata.

Aalisartut qassutunik atuisut aningaasartornannginnerusutut isigaat aammalu neqitsersuigani ajornannginnerusutut isigalugit atortarlugit.



Qassutaarsernissaq pinaveersaartittarpaat qassutit akisuukasiuummata, taamatullu aamma qassutaarsernissaq pinaveersaartinniarlugu qassusersornermi malittarisassaqaarluni ilaatigut nuuatigut illuttut pullaqqusersimasussaananeraniq piumasqaatitaqaarlutik nuuata illua nunamut pitussimangippat.

Ukiarmi ataatsimiinnermiinnitsinni Naalakkersuisut akitsuutserpassuarnik eqqutassanik saqqummiussigaluarput, taakkunungalugu ilaalluni qassutinut akitsuusersuilernissaq. Partii Naleqqamiit akitsuusersuinersuaq isumaqarpugut nunatsinni ingasappallaalersoq.

Aalisartut nunatsinni aningaasarsiornermi pingaarnerpaatut inissisimasuupput suliffissaqar-titsipput aammalu akileraarutitsigut taamaasillutik annertuumik nunatsinnut qularnaarisuupput nunatta aningaasarsiorneranut annertuumik iluaqutaallutik.

Partii Naleqqamiit isumaqarpugut akitsuusersuiarneq ingasapallaalersoq, taamaammallu allatigut aaqqiisariaqartugut isumaqarluta. Akitsuusersuineq unitsinniarli naammaleqaaq.

Aalisartortagut akitsuutinik qaavatigut aningaasartuutissaanik ilaartuiffigineqaqqittaria-qanngilluinnarput.

Aalisartut avannaaniittut maanna pilliuteqarnerungaartareerput – kujasinnerusumi inissisimasut qaleralik kilomut tunisarpaat 30 kr. qulaallugu inissisimasarpoq avannaani iluanaarfigineqartarput annertuumik ingerlataqartuniit tunitsivinniit kilomut 16 kr 50 øreliinnartarpaammi, taamaammat akikinaariffigineqartarlutik qaavatigut aallerfigiteqqitta-riaraqanngilluinnartut Partii Naleqqamiit isumaqarpugut.

Partii Naleqqamiit isumaqarpugut qanoq iliuseqartariaqartugut, taamaammallu aningaasamut inatsisissamik ukiamut suliaqalerutta ilanngullugit qassutaarsiutit piniagaarsiutit ilaalu allat ilanngullugit immap naqqaniittut salinneqarnissaanut aningaasalisariaqarlunnartugut.

Kalaallit Nunaanni sineriak tamakkerlugu imartatsinni qassutit piniutaarniutillu allat tamarmik aalisarnermut atortutut salinneqarnissaannut suliniutissamik pilersaarummik sanasoqarniarli piaartumik aappaagumut upernaamut kinguarsaqqinnagu.

Taamaammat Naalakkersuisut pilersaarummik aatsaat upernaakkut 2020-imi pilersaarummik saqqummiiniarnerat isumaqataaffingngilarput, isumaqaratta nalunngereerlutigu qassutit piniutillu allat aalisarnermut atortutut immap naqqaniittut nalunngereeratigu salinneqartariaqartut.

Taamaammat siunnersuuteqartutuut ukiamut ataatsimiinnissamut sineriatsinni qassutikut aalisarnermullu atortutut qallorneqarnissaanik suliniummik pilersaarummik Naalakkersuisut Ukiamut ataatsimiinnissatsinnut saqqummiussereertariaqartut. 2020-imut upernaakkut aatsaat saqqummiisoqassappat qinigaaffimmi uani qanoq iliuseqanngitsooqqiinnassaagut taamatut siunnerfeqarluta utaqeqqissagaluarutta, tamanna partii Naleqqamiit pissusissamisuunngilluinnartutut isigaarput, ukiorpassuimmi eqqartuiffigiuarpagut, maannakkut qanoq iliuseqarnissaq tullunngoruttariaqarlunnarpoq kinguarsaqqinnagu.



Nuuk 30. april 2019

UPA 2019/174

Jens Napätök, Partii Naleraq

Partii Naleqqamiit ilanngullugu kaammattuutigissavarput qassutaarsertarnermut aammalu aalisarnermut piniutaarsertarnermut iliuusissanik Naalakkersuisut pilersaarusioqqullugit.

Ilanngullugu atortorissaarutit chip-italiisinnaanerit immamut itisuumut atortorissaarutit atorlugit arlaatigulluunniit qassutaarsarnermi qassutit naningasuarsinnaaneranut aqqutsissiuissutissanik ujaartueqqusivugut.

Parti Naleqqamiit isumaqarpugut akitsuusersueqqinnerit aqqutissaanngilluinnartut Aalisartut akiligassatigut nammakkersoqqittuarnerat unitsinneqarluinnartariaqarpoq. Nunatta aningaasarsiornikkut inuussutissarsiuutit pingaarnersaattut tanguinnarneqassanngilaq aamma isumaqarluinnarpugut aalisartortatsinnut aporfissalersuiunnaarluta periarfissarsiornerusariaqalersugut, qaavatigut taamatut aningaasanik aallerfigiuaannartarneri naammaleqaaq.

Taamatullu piniutaarsarnermi nalunaartussaataitanermik aammalu nalunaarutigineqartut sumiinneranik kikkut tamarmik takusinnaasaanik nittartagatigut alakkarneqarsinnaasunik suliaqartoqarnissaanik ilanngullugu suliaqarnissamik kaammattuuteqarluta.

Partii Naleqqamiit taamatut oqaaseqarluta Aalisarnermut Piniarnermut Nunalerinermullu ataatsimiititaliami suliarineqarnissaa innersuutigaarput.

Qujanaq